

# Hylli i Dritës

*Ubi Spiritus Domini, ibi libertas.*

(II. ad Cor. III. 17).

1. Idealogji shqyptare	Faq. 265
2. Të pertrimt e rregullimit shoqner	„ 273
3. Kleri Katolik i Shqypnis i gjikuem prej nji Serbi	„ 278
4. Fragment — Drita ( <i>vjerrshë</i> )	„ 283
5. Zija në Rusí	„ 288
6. Heroinat e Malevet	„ 293
7. Mproje kundra mikroparasitve	„ 302
8. Urti e burrní nder banorë të Cemít	„ 308
9. Bibljoteka e „Hyllit“	„ 311
10. Quo Vadis...? — Pj. II. — 8	„ 57

---

*Drejtimi mban tagrin mbi çdo artikull, qi boto-  
het në ket të Perkohisfime, tue ndalue njiferit edhe çdo  
risfitypje a perkëthim.*

---

## Idealogí shqyptare.

Kur mârr e lexoi të perkohshmet e të perditshmet qi tash kohen e fundit botoi shtypi i jonë kombtár, më bâhet si me hetue nji idé të njajtë, qi lvizë nder shkrimtarë e fletore të ndryshme. U vûna prandej t'i shtríjje në shkrim pershtypjet e mija, të cillat edhe ktû po i shenjoj me kto dy vrejtte:

Sido së keq të mendojë a të flasë kush per Shqypní, e verteta âsht — e as mâ i shtými pesimist nuk mund e mo-  
hojë — se në jeten t' onë, porsi kolektivitet kemi bâ dy ha-  
pa të parë:

Jetës primitive i âsht prishë ama, e jeta europjane, me tana nevojët e veta t' arsyeshme e të paarsyeshme, na ká vû para; drejtimin t' onë kahë nji jetë e ré nuk e ndalë gjá.

*Kerkojm idén.* Ky âsht nji fakt.

I dyti hap edhe mâ me randsí âsht, se jetës provi-  
zore, sido të tfaqet, edhe me format mâ sugestive, ashtû e  
pshtetun nder parime e kriterë relativ me vehtje, me qellime  
të dyta e me interesë e dobí materjale, nder né i ká dalë bo-  
ja edhe fryma; sistemi i oportunitizmit a edhe i aventurës  
pshtetë në parimin „*shih e bán*“, âsht i msým e i ndjekun  
prej tanë inteligencës. *Kerkojm vlerë reale, vlerë shpirtnore.*

Të dyja kto pûnë janë fitime të mdhá e fitime qi shê-  
njojn njimend nji sbkallë perparimit në jeten t' onë shoqnore.

Shtypi âsht barometri, qi matë atmosferen e jetës së  
nji vendi, aj shqyrton e njehë të rrahunat e dejvet të gjall-  
nís së nji populli; prandej shtypi i jonë thekshem u prek prej  
ksajë faze të jetës, edhe, kû sheshas, kû terthoras çoj zânin, e  
fuqishem qiti kushtrimin per krijesen e nji atmosfere mendore  
të shundoshtë, per ngrehjen e nji Shqypnije me zakone shêjte,  
me vlerë reale nierzore, nder baza shpirtnore etj.

